



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Ecclesiastici

Jncipiens à Juliano Apostata Jmperatore, perducitur vsque ad obitum
Theodosii Augusti: continet annos XXXIV.

Baronio, Cesare

Coloniæ Agrippinæ, 1624

Sixtus Papa V. Dilecto Filio Caesari Baronio Sorano Presbytero
Congregationis Oratorij nuncupatae.

urn:nbn:de:hbz:466:1-14548

SIXTVS PAPA. V.

DILECTO FILIO CÆSARI BARO-

NJO SORANO PRESBYTERO CONGRE-
gationis Oratorij nuncupata.



DILECTI Fili, Salutem & Apostolicam benedictionem. Cùm dilectus filius noster Antonius tr. SS. Iohannis & Pauli presbyter Cardinalis Carafa nuncupatus Bibliothecarius Apostolicus nobis retulerit, à te primum Annalium Ecclesiasticorum volumen editum, aliaque propediem edenda esse, opus nò minus doctè quàm fideliter à te scriptum, & ad totius antiquitatis Ecclesiastica notitiam comparandam valde vtile, quibus nimirum non tantum res gestæ exactè per annos singulos recensentur, & quæ de his obortæ sunt controuersia elucidantur, sed etiam ipsi Apostolicarum traditionum fontes purissimi aperiantur, atque hereticorum mendacia confutantur. Nos, qui eruditorum omnium fouere solemus ingenia: cùm tu, in primis industriam, & egregiam pro Catholica Ecclesia nauatam operam magnopere in Domino commendemus: Cupientes, vt ijdem à te editi, vel edendi Annales Ecclesiastici ad integram rerum veritatem custodiendam seruentur penitus incorrupti, & quàm diligentissimè fieri potest, typis excendantur: ac demum ne à quoquam seu negligentia, seu malitia, mendis deformari, aut aliter etiam forsàn titulo mutato vel forma, mutari, corrumpi, vel deprauari possint: **MOTV PROPRIO** & certa nostra scientia, omnibus & singulis Christiani fidelibus, præsertim librorum Impressoribus, ac Bibliopolis, quouis nomine nuncupatis, tam in Vrbe, & illius districtu, ac statu & ditione temporalino nobis & S. R. E. mediatè, vel immediatè subiecta, sub quingentorum ducatorum auri Camera Apostolicæ eo ipso applicando, tum, nec non amissionis librorum atque typorum, quàm etiam per totam Italiàm, & extra eam vbiuis gentium, & locorum constitutis, sub Excommunicationis maioris lata sententiæ pœnis eo ipso absque alia declaratione incurrendis, Auctoritate Apostolica tenore præsentium interdiciamus & inhibemus, ne per decem annos à Data præsentium computandos, primum Tomum Annalium à te editum, & alios singulos à te edendos totidem annorum spatij ab vniuscuiusque eorum editione numerando, absque tua licentia imprimere, aliòve titulo, vel forma, quouis prætextu mutatos, vñ alio quocunque idiomate versos edere, vel sic editos vendere, seu venales tenere audeant vel presumant. **MANDANTES** vniuersis, & singulis venerabilibus fratribus nostris Patriarchis, Archiepiscopis, & alijs locorum ordinarijs, eorumque Vicarijs, seu officialibus in spiritualibus, generalibus, ac in dicto nostro statu Ecclesiastico Legatis, Vicelegatis, Gubernatoribus, Potestatibus, & alijs Officialibus: vt quando, & quoties per te, vel tuo nomine fuerint requisiti, præmissa cõtra inobedientes exequantur, & obseruari faciant, inuocato ad hoc, si opus fuerit, auxilio brachij secularis. Non obstantibus constitutionibus, & ordinationibus Apostolicis, ac statutis, & consuetudinibus, iuramento, confirmatione Apostolica, vel quauis firmitate alia roboratis, priuilegijs quoque, indultis, & litteris Apostolicis quibusuis personis quomodolibet concessis & confirmatis. Quibus omnibus, illorum tenores, ac si ad verbum infererentur præsentibus, pro sufficienter expressis habentes, hæc vice dumtaxat specialiter & expressè derogamus, cæterisque contrarijs quibuscunque. Volumus autem vt præsentium litterarum exemplis etiam in ipsis voluminibus impressis eadem vbiq; fides habeatur, quæ ipsis præsentibus haberetur, si forent exhibitæ: vel ostensæ. Datum Romæ apud sanctum Marcum, sub annulo Piscatoris. Die xxvi. Iunij. M. D. LXXXVIII. Pontificatus nostri Anno quarto.

Tho. Thom. Gualterutius.